

Inuussutissarsiornermut Niuernermullu immikkoortortaqaqfimmut pisortaq

Inuussutissarsiornermut Aatsitassanullu Naalakkersuisoqarfik

Inuussutissarsiornermut Aatsitassanullu Naalakkersuisoqarfik Inuussutissarsiornermut Niuernermullu immikkoortortaqaqfimmut pisortamik misilittagalimmik periusissiusiornermillu nukittuumik periusilimmik sulisussarsiorpoq. Atorfik Kalaallit Nunaanni inuussutissarsiortunut atugassarititaasunut toqqammaviusut ineriartortinneqarneranni qitiuvoq, tassanilu Naalakkersuisut, Naalakkersuisoqarfiit allat, kommunit, inuussutissarsiortut kiisalu nunami namminermi nunanilu tamalaani suleqatigisartakkat qanimut suleqatigineqartussaallutik.

Immikkoortortaqaqfik pillugu

Inuussutissarsiornermut Niuernermullu immikkoortortaqaqfiup inuussutissarsiornermut inatsisinik suliaqarneq aqutsinerlu pillugit ingerlatsinermi naalakkersuisoqarfimmilu suliassat isumagisarai. Tamatuma saniatigut inuussutissarsiortunut piumasaqaatinut killissaliussat pillugit misissueqqissaarnernik suliaqarneq immikkoortortaqaqfimmi ingerlanneqarpoq, ilanngullugit takornariartitsisarneq, sermeq imerlu kiisalu niuerneq.

Immikkoortortaqaqfiup Kalaallit Nunaanni inuussutissarsiornernerup siuarsarneqarnera ineriartortinneqarneralu sulissutigaa. Aammattaaq ingerlatsisut attuumassutillit allat suleqatigalugit suliffissuarni suliniutinik suliassanillu angisuunik ataqatigiissaarineq immikkoortortaqaqfiup isumagisaraa.

Immikkoortortaqaqfik politikkikkut aalajangiisartut qanillugit sulimmat, Naalakkersuisup sullinneqarnera aammalu Naalakkersuisut politikkikkut anguniagaasa kiisalu Inatsisartut aalajangiinerisa malitseqartinneqartarnerat suliassanik isumaginninnermi pingaaruteqartunut ilaapput.

Inuussutissarsiornermut Niuernermullu immikkoortortaqaqfik allaffinni marlunni, tamarmik immikkut allaffimmi pisortaqartuni, aggulugaavoq. Tamatuma saniatigut immikkoortortaqaqfik katillugit 10-nik suliassanik sullissisunik sulisoqarpoq. Immikkoortortaqaqfimmi pisortatut allaffiit akimorlugit aqutsineq, ataqatigiissaarineq pingaarnersiuiinerlu qullersatut akisussaaffigaatit. Suliakkiisarluni akuutitsillunilu, sulisunik kajumissuseqalersitsinnaasumik suliallu ingerlanerininik pitsaanerulersitsinnaasumik, aqutseriaaseqarnissaq pingaartinneqarpoq.

Immikkoortortaqaqfiup suliassaqaarfii

Inuussutissarsiornernerup ineriartortinneqarneranut Aallarnisaasarnermullu allaffik

- **Takornariartitsisarneq:** Takornariartitsinermut periusissamik aammalu takornariartitsinermut inatsimmik nutaamik suliaqarneq kiisalu takornariartitsinermi ingerlatsinissamut akuersissutit aqunneqarnerat.
- **Inuussutissarsiutinik siuarsaaneq:** Atugassarititaasunut toqqammaviusunik ineriartortitsineq nukittorsaanerlu aammalu suliniutissat aalajangersimasut inuussutissarsiortut siuariartornissaannut tunngavissisussat – ilanngullugit nunaqarfinni.
- **Avammut nioqquteqarnissamut akuersissutit:** Kalaallit nioqqutissiaannik tunisassanik avammut annissinissamut, avammut nioqquteqarnissamut akuersissutinik tunniussisarneq.
- **Kiffartuussinissamut isumaqatigiissutit:** Kiffartuussinissamut isumaqatigiissutinik

suliarinninneq malinnaanerlu, ilanngullugit Great Greenland-imut, Nalik Ventures-imut, Visit Greenland-imut isumaqatigiissutit aammalu sumiiffinni ataasiakkaani inuussutissarsiutinik siuarsaaneq pillugu isumaqatigiissutit.

- Sermeq imerlu:** Qinnuteqaatinik akuersissutinillu suliarinninneq kiisalu avammut nioqquteqarnissaq ukkataralugu sermimut imermullu periusissiamik nutaamik ineriartortitsineq.

- Uumassusillit sananeqaataannit isumalluutit:** Piujuartitsinissaq naapertuilluartumillu pissarsiassanik agguaanissaq ukkataralugit uumassusillit sananeqaataannit isumalluutininik ilisimatusarnissaq avammullu nioqquteqarnissaq pillugit qinnuteqaatinik suliarinninneq malinnaanerlu.

Nunani Tamalaani Suleqatigiinnernut Inatsisilerinermillu allaffik

- Niuernermut politikki:** Kalaallit Nunaanni niuernermut politikikkut sinaakkutissanik suliaqarneq

- Niuernermut isumaqatigiissutit:** Niuernermut isumaqatigiissutinut isumaqatiginninniarnernut suliarinninnernullu akisussaasuuneq

- Joint Committee:** Niurneq, aningaasaliinerit takornariartitsisarnerlu ukkataralugit Kalaallit Nunaata USA-mut joint committee-mi suleqateqarnerani peqataaneq.

- Nittarsaassineq inuussutissarsiortullu tuniniagassaanik pilerisaarinerit:** Nunami namminermi aamma nunani tamalaani nittarsaassinerni avammullu nioqquteqarnerni pilerisaarinerni peqataaneq.

- Nunani Avannarlerni aammalu EU-mut sammisumik suleqateqarneq:** Nunani Avannarlerni atorfilittanut komité-ni kiisalu EU-mi Interreg NPA-program-imi peqataaneq.

- Aningaasaliinissanut misissuinerit:** Aningaasaliinissanut misissuinerit sinaakkutissanik ineriartortitsineq atuutsitsilertarnerlu kiisalu misissuineri suliasanik aalajangersimasunik suliarinninneq.

Atorfik

Immikkoortortaqaqfimmi pisortatut immikkoortortaqaqfimmi pingaarnertigut suliasat, sulisoqarneq aningaasaqarnerlu akisussaaffigalugit. Politikikkut isummernissamut tunngavissiat, periusissiat aalajangiinissamullu tunngavissat qaffasissumik pitsaassuseqarnissaat qulakkiissavat kiisalu Naalakkersuisut inuussutissarsiornermut niuernermullu politikikkut pingaarnersuinerannut eqeersimaartumik tapersiissallutit. Atorfimmi inissisimaneq nunami namminermi taamatullu nunani tamalaani annertuumik suleqatiginiffiusarpoq sinniisuuffiusarlunilu.

Tamatuma saniatigut immikkoortortaqaqfimmi pisortatut immikkoortortaqaqfimmi inatsisinik piareersaalluni sulinerup inatsisitigullu nalilersuinerit qaffasissumik pitsaassuseqarnissaasa qulakkeernissaa akisussaaffigaat.

Inatsisilerituujusariaqanngilatit, kisianni suliatigut immikkut ilisimasallit suleqatigisartakkallu attuumassutillit qanimut suleqatigalugit sammiviliisinnaassaatis, pingaarnersuisinnaassaatis aammalu inatsisitigut aaqqiissutissat attanneqarsinnaasut qulakkeersinnaassallugit.

Ilinniarsimanikkut aqutsinikkullu piumasaqaatit

Immikkoortortaqaqfimmi pisortaq aqutsinermut nukittuumik piginnaasaqarluni aqutsisutut misilittagaqartuussaaq kiisalu pisortat ingerlatsinerannik, aaqqissuussaanermi politikikkut aqunneqartumi aningaasaqarnermillu aqutsinermi annertuumik paasisimasaqassasoq misilittagaqassasorlu piumasarineqarpoq. Pingaartinneqarput:

- Naleqquttumik ingerlaqqiffiusumik ilinniarsimaneq

- Patajaatumik aqutsisutut misilittagaqarneq aammalu aaqqissuussaanermut politikikkut aqunneqartumut paasisimanninneq

- Misissueqqissaarnernut periusissatigullu nukittuumik piginnaasaqarneq

- Politikkikkut anguniakkanik angusaqarnissamik iliuuseqarsinnaallutillu aqutsisinnaassaati
- Suleqatiginnilluarsinnaaneq sunniuteqarsinnaalluernerlu

Neqeroorutigagut

- Namminersorlutik Oqartussani pisortatut atorfik pissanganartoq sunniuteqarfiulluarterlu
- Kalaallit Nunaanni inuussutissarsiornerup niuernerullu ineriartortinneqarneranni sunniinissamut periarfissaqarneq
- Qaffasissumik ilinniarsimasunik avatangiiseqarneq, sulisut aallussilluartuullutillu piginnaaneqarlualutut akornanni
- Namminersorlutik Oqartussani pisortanut isumaqatigiissutit atuuttut naapertorlugit aningaasarsianut atorfininnermilu atugassarititaasut atuupput

Akissarsiat atorfeqartitaanermilu atugassarititaasut:

Atorfik akissaateqarfimmi LR 38-mi maanna inissisimavoq. 1. april 2026 LR 38-mi tunngaviummik akissarsiaq tapiillu aalajangersimasut soraarnerusutissianullu illuartaqqatq ilanngullu antterussuseqarput qaamammut Kr. 64.048 ukiumullu Kr. 768.576.

Aallaaviatigut isumaqatigiissutini atugassarititaasut naapertorlugit atorfinitsitsisoqassaaq, qinnuteqartoq tjenestemandi-tut atorfeqareersimaguni Nunatsinni pisortani tjenestemandit pillugit inatsisit malillugit tjenestemandinut atugassariti-taasut naapertorlugit atorfinitsinneqarsinnaavoq.

Atorfimmut atuuttoq tassaavoq, piffissap suliffiusussap qanoq sivilutiginissaa killilersugaanngimmat, aammalu qaangiuttoornermi ajunngitsorsiassat akilerneqarnissat ullullu sulinngiffissat annaaneqartut ajunngitsorsiassarsissutiginissat atorneqarsinnaanngillat.

Piffissap suliffiusussap sivilussusissaa aallaavittut sapaatip akunneranut nalunaaquttap akunnerinik 40-nik sivilussuseqarpoq.

Akissarsianut atorfeqartitaanermullu tunngasutigit piumasaqaatit, taakkununga ilanngullugit atorfinikkiartorluni soraarlunilu angalanermut aamma pequtit nassiunneqarnerinut akiliunneqarsinnaatitaaneq, Namminersorlutik Oqartussat aamma pineqartup kattuffiata isumaqatigiinniarsinnaatitaasup akornanni isumaqatigiissutit piffissami atorfiniffiusumi atuuttut naapertorlugit pissapput.

Najugaq

Atorfimmut atatillugu malittarisassat qaqugukkulluunniit atuuttut naapertorlugit sulisunut inissiamik pequsersorsimanngitsumik innersuussisoqarsinnaavoq. Inissamik innersuussisoqarsinnaanngilaq, pineqartoq atorfimmu atatillugu ineqareersuuppat, imaluunniit ineqarsimappat kommunep inaataanik Namminersorlutillu oqartussalluunniit inaataanik. Malittarisassat qaqugukkulluunniit atuuttut naapertorlugit inissiamut innersuussutigineqartumut akiliutit qularnaveeqqutillu akilerneqassapput. Atorfimmut atatillugu ini atorfeqarnermut tunngavoq atorfeqarnerullu unitsinnerani qimanneqassalluni.

Ineqarnermut akiliut aamma inissiap pitsaassusaa nikerarsinnaapput inissiap qanga sananeqarsimanera, piginnittua il.il apeqqutaallutik. Sulisutut ataavartumik initaarnissaaq utaqqinarsinnaavoq, taamaattumik utaqqiisaagallartumik inissiisoqarsinnaasarpoq, tassunga ilanngullugu najugaqatigiiffinnut minnerusunut imaluunniit akunnittarfimmi inissianut inissiisoqarallarsinnaalluni, taakkulu akileraarusersorneqassallutik. Sulisunut inissiani utaqqiisaasumiklluunniit inigisani angisuunik uummasuuteqarsinnaaneq soorlu

qimmeqarsinnaaneq qitsuuteqarsinnaanerluunniit periarfissaqanngilaq.